

REHKETDOALLODÁRKKISTANMUITALUS 2021

Ohcejoga gielddastivrii

Mii leat dárkkistan Ohcejoga gieldda hálddahusa, rehketoalu ja rehketoalloloahpahusa rehketoallobaji 1.1.-31.12.2020 áiggis. Rehketoalloloahpahus doallá sisttis gieldda balánssa, boađusrehkenastima, ruhtadanrehkenastima ja daid čuovusdieđuid sihke bušeahta ollašuvvanveardádallama ja doaibmačilgehusa. Dasa lassin rehketoalloloahpahussii gulli konseardnarehketoalloloahpahus doallá sisttis konseardnabalánssa, konseardnabo ađusrehkenastima, konseardna ruhtadanrehkenastima ja daid čuovusdieđuid.

Gielddaráđđehus ja earát rehketoallogeatnegasat leat vásttus gieldda hálddahusas ja ruhtadoalus rehketoallobaji áiggi. Gielddaráđđehus ja eará konseardnahoavddat vástidit gielldakonseardna jođiheamis ja konseardnabearráigeahču ordnemis. Gielddaráđđehus ja gielddahoavda vástidit rehketoalloloahpahusa ráhkadeamis ja das, ahte rehketoalloloahpahus addá doarvái ja rivttes dieđuid gieldda bohtosis, ekonomalaš sajádagas, ruhtadeamis ja doaibmamis rehketoalloloahpahusa ráhkadeapmái guoski njuolggadusaid ja mearrádusaid mielde. Gielddaráđđehus ja gielddahoavda leat doaibmančilgehusas čilgen gieldda siskkáldas bearráigeahču ja riskkaidhálddašeami sihke konseardnabearráigeahču ordnema

Gielddaráđđehus ja gielddahoavda vástidit maid siskkáldas bearráigeahču ordnemis ja dakkár siskkáldas bearráigeahčus, man dat oidnet dárbbaslažžan vai dat sáhttet ráhkadit rehketoalloloahpahusa, mas ii leat boasttogeavahusa dahje feilla geažil mearkkašahtti boasttovuohta.

Rehketoallodárkkisteaddji geatnegasvuođat

Mii leat dárkkistan rehketoallobaji hálddahusa, rehketoalu ja rehketoalloloahpahusa almmolašhálddahusa buori rehketoallodárkkistanvuogi mielde mearkkašahtti feillaid ja váilevašvuođaid fuobmáma ja raporterema várás dárkkisteami bohtosiin. Hálddahusa dárkkisteamis mii leat váldán čielgasa doaibmaorgánaid lahtuid ja bargosurggiid njunuš virgehálddašeaddjiid doaibmama lágalašvuođas. Gieldda siskkáldas bearráigeahču ja riskkaidhálddašeami sihke konseardnabearráigeahču ordnema áššáigullevašvuođa mii leat dárkkistan váldimiin vuhtii doaibmančilgehusas dain ovdanbuktojuvvon čilgehusaid.. Ráhkadat ipmárdusa rehketoallodárkkisteami dáfus relevánta siskkáldas bearráigeahčus vai sáhttit plánat áššáigullevaččat rehketoallodárkkistandoaimmaid ja vai sáhttit cealkit siskkáldas bearráigeahču ordnemis muhto eat dainna ulbmiliin, ahte sáhtáeimmet addit cealkámuša gieldda siskkáldas bearráigeahču beaktivilvuođas. Dan lassin mii leat dárkkistan stáhtaossodagaid vuodustusain addojuvvon dieđuid riektatvuođa.

Mii leat dahkan dárkkisteami oažžun dihtii doarvái sihkarvuođa das, leago hálddahus dikšojuvvon lága ja váldostivrra mearrádusaid mielde.

Rehketoalu sihke rehketoalloloahpahusa ráhkadanvuođđojurdagiid, sisdoalu ja ovdanbuktinvuogi mii leat dárkkistan doarvái viidát dan gávnaheami várás, ahte rehketoalloloahpahus ii doala sisttis dovdomassii feillaid iige váilevašvuođaid.

Dárkkisteami bohtosat

Skáhpponlága čuovvuma buohta gávnnavuvui, ahte huksenagoarttaid bearráigeahččobálvalusaid skáhppomat (111 813 euro jagis 2021) eai leat gilvalahtton skáhpponlága mielde. Váldostivrra ektui čadni doaibmagovččuid mearkkašahtti badjelmannan lei čuovvovaš boadussurggiin: sadjebálvalus 222311 euro (308,8 %), bázahusuolahus 47 927 euro (239,6 %), gaskadási oahpahus 122 939 euro (29,4%), čuvgehusdoaimma hálldahus 63 001 euro (141,1 %) ja lágádusfuolahus 1 16 346 euro (12,7 %). Muđui gieldda hálldahus lea dikšojuvvon lága ja váldostivrra mearrádusaid mielde.

Gieldda siskkáldas bearráigeahčču ja riskkaidhálldašeapmi sihke konseardnabearráigeahčču leat ordnejuvvon áššáigullevaččat.

Stáhtaossodagaid vuodustusain addojuvvon dieđut leat riehta.

Gieldda rehketoalloloahpahus ja dasa gullevaš konseardnarehketoalloloahpahus leat ráhkaduvvon rehketoalloloahpahusa ráhkadeapmái guoski njuolggadusaid ja mearrádusaid mielde, muhto maŋjit. Rehketoalloloahpahus addá doarvái ja rivttes dieđuid rehketoallobaji bohtosis, ekonomalaš sajádagas, ruhtadeamis ja doaibmamis. Gielдалága mielde gieldda galgá ráhkadit guđege rehketoallobajis rehketoalloloahpahusa rehketoallobaji čuovvovaš njukčamánu loahpa rádjai. Gielddaráđđehus lea dohkkehan rehketoalloloahpahusa 27.4.2022.

Cealkámušat rehketoalloloahpahusa dohkkeheamis ja vástofriijavuođa miediheamis

Mii evttohat dohkkehit rehketoalloloahpahusa.

Evttohat miedihit vástofriijavuođa rehketoallogeatnegasaide min dárkkistan rehketoallobajis eaktudemiin, ahte váldostivra dohkkeha dárkkisteami boadusin máinnašuvvon bušeahttaspiehkkasemiid.

Roavvenjárga 14.6.2022

BDO Auditor Oy
rehketoallodárkkistansearvvuš

Hilkka Ojala
HT, JHT